



Con le MMM Coronas sön Plan de Coronas - ponü ete danter Val Badia, Valdaora y Puster - se completëia le proiet Messner Mountain Museum (co abracëia endöt sis strotöres). En ur' dla munt da en panorama de morvëia por Südtirol, t'en frabricat museal particular de Zaha Hadid, cunti tla finada dal alpinism tradizional.

Sön Plan de Coronas s'alza l'odüda te dötes cater les direziuns sora i confins provinziari fora: dles Dolomites da Lienz a Ost cina al Ortler a Vest, dla Marmolada a Süd cina ales munts de Zillertal a Nord. Tal Museum se respidlëia le monn de mia enfanzia - les Odles; le Ciaval de Sas dla Crusc - l'arpizada plü sfadiosa de mia vita - y i crëp de granit dlacés etensom Türesc. Tal crëp cunti dal svilup dal arpizamont modern, dai materiali, da co che ai s'á mioré tla spana de 250 agn, de conquistes y tragedies söles munts plü conosciüdes dal monn - Matterhorn, Cerro Torre, K2 - y dla desmostraziun de nosc fá, co pö datrai rio da capí. Desco tai atri museums splighi l'alpinism tres reliquies, ponsiers, operes d'ert (cadri y scoltöres) desco ince tres le respidlamont dal scenar encëria tal MMM Coronas. Tla funziun de cuntastories dal alpinism tradizional n'ói nia valüté no dramatisé, i ó madër chëie adöm esperionzes encër na cossa ia, co é ince mia cossa, le confrunt co döra 250 agn danter le crëp y la porsona. Nia sport o récorq ne stá al zënter, mo bën les gran personalités dal alpinism, ince filosofs, pioniers, co vaiga le „vare d'or“ - dal'idea al fat, canche la domanda do le 'porciodi' é dada sö. L'ennom Coronas é ladin. Plan de Coronas - la munt por jí con i schi y a pe, la piza dai parapeng y deltaplans - ti dá sën alberch al highlight de mi museums de munt: en post de chît, contra la prescia, de odüdes co romagn. Cösta lerch por se trá zoruch daür sö düc i sënsc umanns por ci co stá dessora y iadô. I crëp donta na lerch d'esperionza, pert de nosta cultura. Sön en iade mitich sora dötes les pizes fora pón i sontí y i vire danö

Reinhold Messner

